

Goienka2a

Egubakoitza / 2005eko abenduaren 2a

Kultura
eta
aisialdia



Abenduaren
2tik 9ra



ZALETASUNAK

Geekek izan ohi dituzte gustuko: internet, blogak, zientzia-fikzio generoko filmak...

MALETA

Behar dituzten eta gustatzen zaizkien gadget edo tresnaz beteta: kableak, kamera, CDak...

ORDENAGAILUA

Geek gehienek informatikariak dira. Ordenagailua erabiltzen dute, ez bakarrik lanerako.

TELEFONOA

Geek askok poltsikoko telefono oso aurreratuak dituzte, azken belaunaldiak.

GEEK NAIZ ETA HARRO NAGO

Teknologiaren eta ordenagailuen zale handiak dira, eta ez dute irudi topikoarekin zerikusirik.

KAMERA

Teknologia berriak gustatzen zaizkienez, geek askok kamera digitala daukate.

MP3-A

Esaten dute geek peto-peto batek marka jakin bateko MP3a izango duela. Ezetz asmatu zein?

CD-AK

Programak beste batzuekin lrukatzeko, argazkiak eta musika beti aldean edukitzeko...

AURIKULARRAK

Ordenagailutik musika entzuteko edo telefono-programez ordenagailuz berba egiteko.

HIRI-TRIBUAK/ GEEK EDO TEKNOSEXUALAK

Teknologia bai, baina buruarekin

GEEK EDO ORDENAGAILUZALE AMORRATUAREN IRUDIAK TOPIKO ASKO DITU. IBARREKO GEEK BATZUEKIN EGIATZATU DUGU HORI

LEIRE KORTABARRIA

Geek hitza berri samarra da, baina ez irudia: hamaika filmetan ikusi dugu ordenagailu eta teknologia berrien zale amorratu, zaletasun bakar hori duena eta ia lagunik ere ez daukana. Hitza bera mesprezkoa izan da. Orain, ordea, teknologia-zaleek eurek esanahi berriz jantzi dute.

Geek hitzak ia irain kutsua izan du orain arte: teknologia eta ordenagailuenganako zaletasun izugarria eta horren gainean asko dakiena, bai, baina giza harremanetarako gaitasun txikia eta beste edozein arlotan oso trebea ez zena izendatzen zuten.

Orain, ordea, gauzak aldatu egin dira, eta geek askok euren buruari hala deitzen diote harrotasun handiz. Geeken pareko den beste hitz bat ere modan jarri da: teknosexuala. Anjel Lertxundik idatzi zuen moduan, "moda-modan egon nahi baduk, teknosexualena duk orain modernitatearen gailurra".

Aldaketa hori gertatzen hasia denean entzuten hasi gara hitz hori Debagoienean, batez ere blogen moda areagotu den neurrian.

AISIALDIA, MODU DESBERDINEAN

Debagoieneko geekek ez dute euren burua hala aitortzeko inongo arazorik. Eurekin hitz egitekoan ikusten da alde handia dagoela topikoaren eta errealtatearen artean. Era berean, ikusten da, geek izan edo ez izan, teknologia berriek eguneroko bizitza zeharo aldatu dutela.



Mutilmedia.com-eko neska-mutilak: Uxue, Arkaitz, Jon eta Aitor.

Igor Leturia 34 urteko arrasatearra da, eta geek izatearen inguruko uste bat bertan behera utzi digu: "Teknologia, nire iritziz, ez da helburua, bitartekoa baizik, eta zerbaiteko balio didan teknologia bakarrik gusztatzen zait", esaten du. Geek on bezala, ordenagailua eta Internet asko erabiltzen ditu Igorrek —informatikaria da—, eta bloga dauka *Eibar.org*gunean, baina ez du poltsikoko telefono oso aurreturirik.

Hala ere, inoiz erabili izan du poltsikoko telefono moderno bat bloga eguneratzeko, argazki eta guzti. Beste gauza deigarri bat da bere ordenagailuetako bat telebista ikusteko egokitu duela, eta musika eta argazkiak ere hara pasatu dituela, eta horrela ekipa multimedia bikaina osatu: "Tele-

bista eta bideo-grabatzaila, diapositiba proiektorea eta musika ekipoa, dena aparatu bakarrean eta urrutiko kontrol batekin", dio. Asko aldatu dira ohiturak, bai, geek eta teknosexualendako!

"OSO-OSO SOZIALAK GARA"

Teknologia berriez informazio eguneratuena dute geek-ek, eta berau lortzen saiatzen dira. Ase-ezinez jakin-min sanoi da euren beste ezaugarri bat; gero, aurkitutakoa jakinarazi egiten dute. Horretarako adiskide ezin hobea dute bloga.

Eta horixe, "gauza kuriosoak munduarekin konpartitzea", da Arrasateko Eskola Politekniko-ko lau ikasle ohien helburua *Mutilmedia.com* blogarekin. Arkaitz, Aitor, Uxue eta Jon dira, Arrasaten ezagutu zuten elkar



Igor Leturia informatikari arrasatearra.

eta joan den uztaila ezkerko blog hori dute. Geekaren ezaugarri asko dituzte: informatikariak dira, berritasunen zale handiak... Aparailu berriak gustoko dituzte eta eduki, badauzkate batzuk ere. Jakin-mina Interneten bidez asetzen dute: "Interneten gauzak bilatzen, deskargatzen eta probatzen ibiltzen naiz sarri", dio Jonek. Blogs & Beers, Euskal Party eta halako informatika-

zale bilguneetara joatea gustatzen zaiela ere onartu digute.

Hala ere, estilo askotako lagunak dituzte, zientzia-fikziozko filmak ez dira euren gogokoak, bideo-jokoak alboratuta dituzte, parranda on bat gusztatzen zaie —"oso, baina oso sozialak gara", esaten dute, barrez... Arkaitzek laburbiltzen duen moduan, "beste zaletasun bat da bakarrik".

Geek 'perfektua'

- Gizonezkoa, 20-30 urte bitartekoa. Informatika ikaslea edo arlo horretan lan egiten duena.
- Blog egile eta irakurlea da, eta beste geek batzuk modu horretara ezagutzen ditu.
- Aparailu, programa... berriak ezagutzen ditu eta dauka. Askok eskuko telefono oso modernoak dituzte.
- Jendeak ikusten du harreman sozial txikiko pertsona moduan, baina irudi hori neurritz kanpokoa da.
- Internet erabiltzen du telebista baino gehiago. Beste aukera bat: telebista Internetez ikusten du.
- Teknologia berrien gaineko azken informazioa du eta berritasunak bilatzen ditu. Jakin-min handia dauka.
- Informazioa topatzen lehena izaten saiatzen da, eta beste jakinarazten.

Filmak, liburuak...

Zientzia-fikzio eta fantasia generoa bereziki gusztatzen zaie geek askori. Horren barne, entretenimendurako produktuak edo kutsu intelektualagoa dutenak: *La Guerra de las Galaxias*, *Blade Runner*, *Gattaca*, *Matrix*, *Tron*, *12 monos*, *El Señor de los Anillos*... dira faborito batzuk.

Gauza bera gertatzen da liburuekin: *1984*, *Un mundo feliz*, *Microsiervos*, *Yo, robot*...



La Guerra de las Galaxias filma.



Onatiko b.h. institutua

San Lorenzo auzoa - 48100 Larranaka - Bizkaia

943 78 21 50

09:00-13:00 / 15:00-17:00

www.onati.net



Euzko Foru Erkidegoa

HEGOKITZAILEA

LANGILEENTZAKO IKASTAROAK OÑATIN

%100 SUBENTZIONATUAK

KURTSOA	ORDUAK	DATA	ORDUTEGIA
SEGURTASUNA			
Segurtasuna industriar	40	2006/01/09 - 2006/02/02	16:00-18:30
DISEINUA - MEKANIZAZIOA - CNC			
Planoen irakurketa	50	2006/01/09 - 2006/02/09	17:00-19:30
Torno konbentzionala	80	2006/02/13 - 2006/03/20	17:00-20:30
Torno programazioa C.N.C. 8050/55	40	2006/01/09 - 2006/02/02	17:00-19:30
Torno prestaketa eta			
Programazioa C.N.C. 8050/55	40	2006/02/06 - 2006/03/08	17:00-19:30
Mekanizazioa torno C.N.C. 8050/8055	50	2006/03/13 - 2006/04/13	17:00-19:30

Izena emateko: Oñatiko Institutua, Larranako Lanbide Heziketa Egoitza, San Lorenzo auzoa z/g 943 78 21 50

09:00-13:00 / 15:00-17:00

www.onati.net

IZEN EMATEKO EPEA ZABALIK

Ikastaroak astelehenetik ostegunera izango dira



EUROPAKO BATASUNA

Europako Gizarte Fonda